

DIAGNOSTIC HEARING EVALUATION REFERRAL

Meih Gu'nguaaz Zaah Nyeii Hnoi-Nyieqc Se:

Gu'nguaaz nyei Mbuox: _____

Dingc Ziangx Hnoi nyieqc: _____ Ziangh Hoc: _____

Dorngx Dauh: _____

Jiu Tong Namh Mber: _____

Tov heuc se gorngv meih qiex zuqc suiv hnoi/ganh dunx jiez meih dingc daaih nyei hnoi.

Weic Haaix Diuc Yie nyei Gu'nguaaz Aengx Qiex Zuqc Zaah Haiz Waac nyei Jauv?

Meih nyei gu'nguaaz saaix maiv jiez haiz waac nyei zaah a'fai meih gu'nguaaz zaah baengc mienh hiah tov zaah haiz waac nyei zaah dimv. Maaih camv-nyungc dongh hiah laanh zuqc haiz waac, nyungc zeiv, mbui yiem wuov qongx a'fai gu'nguaaz dongz. Za'gengh longc jienv haic maaih nzoih nyei zaah taux muangx duqv haiz waac nyei jauv siepv-siepv nyei bun meih nyei gu'nguaaz.

Maaih MBA'ZIEX DAUH GU'NGUAAZ NYEI M'NORMH WAAIC?

Gauh camv nyei gu'nguaaz cuotv seix daaih muangx duqv haiz waac nyei. Mv baac, seix nyei m'normh waaic duqv zaah cuotv maaih 2-4 dahu yiem 1,000 dahu gu'nguaaz. Leih maiv go 50% gu'nguaaz nyei m'normh waaic maiv haiz yietc nyungc a'fai zorqv-guaix, hnangv hniev nyei baengc a'fai hmuangv doic douh zong m'normh ndung nyei jauv. Maaih camv-nyungc jauv benx cuotv ndaangc cuotv seix, benx jienv gu'nguaaz-lunx a'fai benx fu'jueiv nyei ziangh hoc dongh haiz zoux bun muangx waac maiv haiz. M'normh ndung nqa'haav yiem fu'jueiv nyei maengc weic m'normh butv-uiv, m'nqorngv-famv baengc, mborqv zuqc m'nqorngv a'fai ganh nyungc buonh sin baengc.

Njioux maengc nyei ndie yaac hiah zoux bun m'normh ndung. Nzunc baav gu'nguaaz nyei m'normh ndung, caux haaix nyungc zoux bun nyei jauv yaac zaah maiv cuotv aqv. Naaic meih gu'nguaaz nyei ndie-sai se gorngv meih maaih waac-naaic a'fai guaax hnyouv nyei jauv.



Weic Haaix Diuc Zaah Gu'nguaaz?

Muangx waac maiv haiz nyei jauv benx cuotv yiem hnyangx-jeiv lunx nyei ziangh hoc.Jiex gorn wuov deix hlaax caux hnyangx yiem fu'jueiv nyei maengc se longc jienv haic taux hoqc linc jiu tong nyei jauv. Muangx waac maiv haiz a'fai m'normh ndung nyei gu'nguaaz maaih aqc yiem gorngv waac jiu tong a'fai aqc yiem horqc dorng. Yietc zei zaah cuotv nziouv taux gu'nguaaz muangx maiv haiz waac, yietc zei haih tengx duqv nziouv.

Diagnostic nyei Zaah Taux Haiz Waac nyei Jauv se Haaix Nyungc?

Diagnostic zaah taux haiz waac nyei jauv se benx yietc nyungc za'eix zaah taux gu'nguaaz haiz waac nyei jauv.Zaah dimv nyei jauv se liemh jienv camv-nyungc nyei zaah weic haih bieqc hnyouuv toux nzengc taux gu'nguaaz haiz waac nyei jauv. Zaah dimv nyei jauv se yiem zaah haiz waac nyei ndie-sai, zaah baengc liouc nyei mienh taux muangx waac nyei jauv.

Diagnostic Zaah Haiz Waac nyei Jauv Hnangv Haaix Nor Zoux?

Dongh meih nyei gu'nguaaz hitv njiec fai m'jormh jienv nyei ziangh hoc, longc lengc jeiv nyei ja'sic bungx sienc nyei qienx bieqc buangh m'njormh nyei ga'naav weic zaah gu'ngaauz haiz waac nyei jauv.Zaah nyei jauv yiem gorn taux setv mueiz se maiv mun. Meih gu'nguaaz dau nzuonx yiem haiz waac nyei jauv se longc dienx siou bieqc buang jienv m'normh nyei ga'naav a'fai yiem longc dienx bangc ndie-nyiouz naetv jienv m'nqorngv.Weic maaih camv-nyungc zaah nyei jauv, diagnostic zaah haiz waac nyei zaah dimv longc ziangh hoc gauh camv deix siang-yungz daaih muangx haiz waac nyei zaah.Haih benx duqv nyei meih haih yiem zaah nyei dorngx gauh lauh yietc norm ziangh hoc a'fai caux

Haaix Dauh Cingv Zaah Diagnostic Haiz Waac nyei Jauv?

Diagnostic zaah haiz waac nyei zaah dimv zipv camv-nyungc zorc baengc beu sengh nyei gorn nyei.Medi-Cal caux California Children's Services (CCS) oix tengx jauv zaah dimv nyei jauv bun puix duqv zipv nyei gu'nguaaz.Se gorngv meih maaih haaix nyugnc



waac-naaic taux bun zinh weic zaah dimv, jiu tong caux meih gu'nguaaz nyei ndie-sai a'fai zaac baengc mienh a'fai heuc 1-877-388-5301.

Haaix Nyungc Meih Haih Zoux Weic Zorng-Mbenc Gu'nguaaz Diagnostic Haiz Waac nyei Zaah Dimv

Meih nyei gu'nguaaz qiemp zuqc bueix m'njormh longx nyei yiem jienv diagnostic zaah haiz waac nyei zaah dimv. Naaiv deix za'eix haih tengx meih zorng-mbenc meih nyei gu'nguaaz mingh zaah kuh yiem nyei.

- » Maiv dungx bun gu'nguaaz bueix m'njormh ndaangc zaah nyei ziangh hoc.
- » Uix gu'nguaaz ndaangc ninh mbuo zaah nyei ziangh hoc haih tengx ninh mbuo m'njormh
- » Dorh suangx, mbungh nyei suangx-beu, lui-houx-yienc, jaa nyork camv deix, se gorngv longc jienv nor.
- » Meih haih dunx hnoi-nyieqc doix meih gu'nguaaz henh gauh a'loc bueix m'njormh nyei ziangh hoc.

Maaih Haaix Nyungc Benx Cuotv Nqa'haav Zaah Dimv Liuz?

Meih oix zipv hiuv taux zaah dimv nyei jauv caux duqv zipv hlaau zunv nyei waac. Soubox yaac fungx bun meih gu'nguaaz nyei zaah baengc mienh. Se gorngv zaah cuotv muangx maiv haiz waac nor, meih oix duqv zipv fungx mingh lengc jeiv nyei gorn caux jiu tong nyei za'eix. California Newborn Hearing Screening Program Hearing Coordination Center maih jiu tong caux tengx meih caux meih nyei gu'nguaaz duqv zipv tengx nyei jauv.

Mangc Gu'nguaaz Hlo nyei Jauv

Se gorngv diagnostic zaah dimv biux mengh meih nyei gu'nguaaz nyei m'normh maih ndung nor, meih corc oix dorh gu'nguaaz mingh zaah dongh ninh hlo jienv faaux. Siang-yungc haiz waac nyei zaah se benx daauh kang zaah mangc meih gu'nguaaz haiz waac, gorngv waac, caux longc waac nyei jauv. Dauh baav fu'jueiv muangx waac maiv haiz yiem hlo jienv daaih, hnangv naaic, za'gengh zanc-zanc longc jienv haix zaah mangc jienv gu'nguaaz longc waac caux gorngv waac nyei jauv.



California Siang-Yungz Haiz Waac Zaah nyei Gorn

California Siang-Cuotv Seix Zaah Haiz Waac Gorn nyei mouz deic se zaah mangc gu'nguaaz muangx waac maiv haiz caux tengx ninh mbuo duqv zipv tengx yiem biauv juqv hlaax. Gorn zaangc maaih Haiz Waac Liuc Leiz Gorn dongh zoux gong caux hmuangv doic, zorc baengc mienh caux ndie-biauv taux fu'jueiv haih duqv zipv tengx qiemp zuqc nyei jauv.

Siang-Cuotv Seix Zaah Haiz Waac Gorn siou sou-gorn taux meih gu'nguaaz haiz waac nyei zaah ei Ginc 124119 yiem Baengc caux Zoux Horpc Leiz. Haiz Waac Liuc Leiz Gorn haih longc naav deiv sou-gorn tengx meih caux meih nyei gu'nguaaz zimh lorz qiemp zuqc nyei jauv. Haih benx duqv nyei taux Haiz Waac Liuc Leiz Gorn haih jiu tong caux meih taux duqv zipv tengx nyei jauv. Meih haih naaic ninh mbuo tengx haaix zanc yaac duqv nyei.

Weic maaih camv nyei waac-fienx taux Siang-Yungz Haiz Waac Zaah nyei Gorn,

- » Maiv Zuqc Cingv nyei Heuc 1-877-388-5301
- » a'fai bieqc mangc yiem website www.dhcs.ca.gov/services/nhsp

